

भारत सरकार  
GOVERNMENT OF INDIA  
राष्ट्रीय पुस्तकालय, कलकत्ता  
NATIONAL LIBRARY, CALCUTTA

---

वर्ग संख्या

Class No.

182.Nd

पुस्तक संख्या

Book No.

852.1

रा० पु०/N. L. 38.

MGIP Sant.—45 NL (Spl/69)—4-8-69—1,00,000.

182. Nd. 852. 1.  
182041.

ছন্দাবলী ।

অর্থৎ

182 N. 33


নানা বিধ ছন্দ সংগৃহীত কবিতা ।

ইদানীং

(10)

RARE BOOK

ত্রীযুত গিরীশচন্দ্র দেবের অনুমতানুসারে মুদ্রাস্থিত হইল।



ENTALLY:

PRINTED AT THE TYPOGRAPHIC PRESS.

1852.

## CONTENTS.

| নির্ঘণ্ট                           | পত্রাঙ্ক । |
|------------------------------------|------------|
| শিব বিবাহের মন্তব্য .....          | ১          |
| শিব বিবাহের সম্বন্ধ .....          | ৩          |
| শিবের ধ্যানভঞ্জে কামভঙ্গ্য.....    | ৩          |
| রুতি বিলাপ .....                   | ৫          |
| রুতির প্রতি দৈববাণী.....           | ৬          |
| শিব বিবাহ যাত্রা .....             | ৭          |
| শিব বিবাহ .....                    | ৯          |
| কন্দল ও শিবনিন্দা .....            | ১০         |
| শিবের মোহন বেশ .....               | ১২         |
| শিদ্ধি ঘোটন.....                   | ১৩         |
| শিদ্ধি ভক্ষণ .....                 | ১৪         |
| হর গোঁরীর কথোপকথন.....             | ১৬         |
| রাজা মানসিংহের বাজালায় আগমন ..... | ১৭         |
| মালিনীর বেসাতির হিসাব.....         | ১৮         |
| বিচার রূপ বর্ণন .....              | ১৯         |
| ত্রিপদী .....                      | ২১         |
| পয়ার .....                        | ২৩         |
| ত্রিপদী .....                      | ২৫         |
| উৎকৃষ্ট স্থানের বিষয় .....        | ২৮         |
| ঈশ্বরের সৃষ্টি বিষয়ক গীত .....    | ২৯         |
| গুরুপির গল্প .....                 | ৩০         |
| সার মাস বর্ণন .....                | ৩৪         |

## ছন্দাবলী ।

॥ শিব বিবাহের মন্ত্রণা ।

পয়ার ।

উদাসীন দেখি হরে বিধি গদাধর । মন্ত্রণা করিলা লয়ে যতেক  
অমর ॥ ত্রিদিবে প্রধান দেব দেব দেব শিব । শিব হৈলা শক্তি  
হীন কেবা কি করিব ॥ নানামত মন্ত্রণা করিয়া দেব সব । মহামায়া  
উদ্দেশে বিস্তর দৈতলা স্তব ॥ হইল আকাশ বাণী সকলে শুনি-  
লা । মহামায়া হিমালয় আলয়ে জন্মিলা ॥ উ শব্দে বুঝি শিব  
মা শব্দে শ্রীভীষ্ম । বুঝিয়া যেনকা উমা নাম কৈলা সার ॥  
তাহার সহিত হবে শিবের বিবাহ । তবে সে শব্দের হবে সৎ-  
সার নির্বাহ ॥ আকাশ বাণীতে পেয়ে দেবির উদ্দেশ । নার-  
দেহে ডাকিয়া কহিলা ঋষিকেশ ॥ ঘটক হইয়া তুমি হিমালয়ে  
যাও । উমা সহ মহেশের বিবাহ ঘটাও ॥ একেত নারদ আরো  
বিস্মুর আদেশ । শিবের বিবাহ তাহে বাড়িল আবেশ ॥ জন-  
কের জননির দেখিব চরণ । আর কবে হবে হেন ভাণের ভাজন ॥  
মাজিয়া বীনার তার মিশাইয়া তান । ভারতের অভিমত গৌরী  
গুণ গান ॥

শিব বিবাহের সম্বন্ধ ।

পয়ার ।

এ রূপে নারদ মুনি বীনা বাজাইয়া । উত্তরিল হিমালয়ে  
নাচিয়া গাইয়া ॥ দেখেন বাহিরে গৌরী খেলিছেন রঙ্গে ।  
চৌষটি যোগিনী কুমারীর বেশ সঙ্গে ॥ মৃত্তিকার হর গৌরী

পুতুলি গড়িয়া । সহচরিগণ মেলি দিতেছেন বিয়া । দেখি  
নারদের মনে হৈল চমৎকার । এ কি কৈল মহামায়া মায়া  
অবতার ॥ দণ্ডবৎ হয়ে মুনি করিলা প্রণাম । মাজি বুঝিলাম  
সিদ্ধ হৈল হরিনাম ॥ অভিষ্ট হউক সিদ্ধ বর দিয়া মনে ।  
নারদে কহিলা দেবী গর্বিত ভৎসনে ॥ শুন বৃদ্ধ ব্রাহ্মণ ঠাকুর  
মহাশয় । আমারে প্রণাম কর উপযুক্ত নয় ॥ অণ্ডায়ু করিবে  
বুঝি ভাবিয়াছ মনে । দেখিয়া এমন কৰ্ম করিলা কেমনে ॥  
মুনি বলে এ ভয় দেখাও তুমি কারে । তোমার কৃপায় ভয় না  
করি তোমারে ॥ আমারে বুঝিলা বৃদ্ধ বালিকা আপনি । ভাবি  
দেখ তুমি মোর বাপের জননী ॥ নাতি জানে কুণ্ড বলি হাঁসিছ  
আমারে । পাকা দাড়ি বুড়া বর ঘটাব তোমারে ॥ আনিব  
এমন বর বায়ে লড়ে দাঁত । ঘটক তাহার আমি জানিবা পশ্চাত ॥  
বিবাহের নামে দেবী ছলে লজ্জা পেয়ে । কহি গিয়া মায়ে বলি  
ঘরে গেলা ধৈয়ে ॥ আঁচিয়া করি কোলে বসি ছেঁদে ধরি গলে ।  
ওমা ওমা বলি উমা কথা কন ছলে ॥ সখী মেলি খেলিনু  
বাহির বাড়ি গিয়া । ধূলা ঘরে দিতেছিনু পুতুলের বিয়া ॥  
কোথা হৈতে বুড়া এক ডোকরা বামন । প্রণাম করিল মোরে  
এ কি অলক্ষণ ॥ নিষেধ করিনু তারে প্রণাম করিতে । কত  
কথা কহে বুড়া না পারি কহিতে ॥ দুটা লাউ বান্ধা কান্ধে  
কাঠ এক থান । বাজাইয়া নাচিয়া ২ করে গাণ ॥ ভাবে বুঝি  
সে বামন বড় কন্দলিয়া । দেখিবে যদ্যপি চল বাপারে লইয়া ॥  
শুনিয়া মেনকা মনে জানিলা নারদ । সন্ত্রমে বাহিরে আসি  
বন্দিলেন পদ ॥ হিমালয় শুনিয়া আইলা ক্রত হয়ে । সিংহ-  
সনে বসাইলা পদ ধূলি লয়ে ॥ নারদ কহেন শুন ২ হিমালয় ।

কি কহিব অসীম তোমার ভাগ্যোদয় ॥ এই যে তোমার উমা  
কন্যা বল যাঁরে । অখিল ভুবন মাতা জানিতে কে পারে ॥  
বিবাহ কাহায়ে দিবা ভাবিয়াছ কিবা । শিব পতি ইহাঁর ২  
নাম শিবা ॥ হিমালয় বলে কি এমন ভাগ্য হবে । ভবানী  
হবেন উমা পার পাব ভবে ॥ নারদ কহিছে ভাগ্য হয়েছে  
তখনি । জনক জননী ভাবে জন্মিলা যখনি ॥ হিমালয় যেনকা  
যদ্যপি দিলা মায় । লগ্নপত্র করিয়া নারদ মুনি যায় ॥ আজ্ঞা  
দিলা কৃষ্ণচন্দ্র ধরুণী ঈশ্বর । রচিলা ভারত চন্দ্র রায় গুণাকর ॥

❦ শিবের ধ্যানভঞ্জে কামভঙ্গ্য ।

লঘু ত্রিপদী ।

শিবের সম্বন্ধ, করিয়া নির্বন্ধ, আইলা নারদ মুনি । কমল  
লোচন, আদি দেবগণ, পরম আনন্দ শুনি ॥ সকলে মিলিয়া,  
শিব কাছে গিয়া, বিস্তর করিলা স্তব । নাহি ভঞ্জে ধ্যান, দেখি  
চিন্তাবান, হইলা বিধি কেশব ॥ মন্ত্রণা করিয়া, মদনে ডাকিয়া,  
নুরপতি দিলা পান । সম্মোহন বাণ, করিয়া সন্ধান, শিবের  
ভাঙ্গই ধ্যান ॥ ইন্দ্রের আজ্ঞায়, রতিপতি ধায়, পুষ্পশরাশন  
হাতে । সমুখে সামন্ত, ধাইল বসন্ত, কোকিল ভ্রমর সাতে ॥  
মলয় পবন, বহে ঘন ঘন, শীতল সুগন্ধ মন্দ । তরুলতাগণ  
ফুলে সুশোভন, জগতে লাগিল ধন্দ ॥ যত দেবগণ, হৈল  
অদর্শন, হরের ক্রোধের ভয় । পূর্ব নিয়োজন, নিকট যরণ,  
মদন সমুখে রয় ॥ আকর্গ পুরিয়া, সন্ধান করিয়া, সম্মোহন  
বাণ লয়ে । ভূমে হাঁটু পাড়ি, দিল বাণ ছাড়ি, অনলে পতঙ্গ  
হয়ে ॥ কিবা করে ধ্যান, কিবা করে জ্ঞান, যে করে কামের

শর । সিহরিল অঙ্গ, ধ্যান হৈল ভঙ্গ, নয়ন মেলিলা হর ॥  
 কামশরে ত্রস্ত, নারী লাগিব্যস্ত, নেহালেন চারি পাশে । সমুখে  
 মদন, হাতে শরাসন, মুচ্চি ২ হাঁসে ॥ দেখি পুষ্পশরে, ক্রোধ  
 হৈল হরে, অটল অচল টলে । লল্লাট লোচন, হৈতে হতাশন,  
 ধক ৩ স্বলে ॥ মদন পলায়, পিছে অগ্নি ধায়, ত্রিভুবন পরকাশি ।  
 চৌদিকে বেড়িয়া, মদনে পুড়িয়া, করিল ভষ্মের রাশি ॥ মরিল  
 মদন, তবু পঞ্চানন, মোহিত তাহার বাণে । বিকল হইয়া, নারী  
 তপাসিয়া, ফিরেণ সকল স্থানে ॥ কামে মত্ত হর, দেখিয়া  
 অপ্সর, কিম্বরী দেবী সকল । যায় পলাইয়া, পশ্চাত তাড়িয়া,  
 ফিরেণ শিব চঞ্চল ॥ মনে মনে হাঁসি, হেন কালি আসি, নারদ  
 হৈলা সমুখ । নারদে দেখিয়া, সলজ্জ হইয়া, হর হৈলা হেঁটমুখ ॥  
 খুড়া খুড়া কয়ে, দণ্ডবৎ হয়ে, কহিছে নারদ হাঁসি । দক্ষ গৃহ  
 ছাড়ি, হেমন্তের বাড়ি, জনমিলা সতি আসি ॥ বিবাহ করিয়া,  
 তাঁহারে লইয়া, আনন্দে কর বিহার । শুনি শিব কন, ওরে বা-  
 ছান, ঘটক হও তাহার ॥ মুনি কহে ক্রত, সকলি প্রস্তুত, বর  
 হয়ে কবে যাবা । কহেন শঙ্কর, বিলম্ব না কর, আজি চল মোর  
 বাবা ॥ শুনি মুনি কয়, এমন কি হয়, সর্বদেব গণে কহ ৬ প্রায়  
 হয়ে বুড়া, ভুলিয়াছ খুড়া, দিন দুই স্থির রহ ॥ শান্ত হৈলা হর,  
 যতেক অমর, এলো যথা পশুপতি । কামের মরণ, করিয়া  
 শ্রবণ, কান্দিয়া আইলা রতি ॥ কৃষ্ণচন্দ্র রায়, রাজা ইন্দ্রপ্রায়,  
 অশেষ গুণ সাগর । তাঁর অভিমত, রচিলা ভারত, কবি রায়  
 গুণাকর ॥

রতি বিলাপ ।

দীর্ঘ ত্রিপদী ।

পতি শোকে, রতি কাঁদে, বিনাইয়া নানা ছাঁদে, ভাসে চক্ষু  
জলের তরঙ্গে । কপালে কঙ্কণ মারে, কপির বহিছে ধারে, কাম  
অঙ্গ ভক্ষ্য লেপে অঙ্গে ॥ আলু থালু কেশ বাস, ঘন ঘন বহে  
শ্বাস, সংসার পুরিল হাহাকার । কোথা গেলা প্রাণনাথ, আমরা  
করহ সাথ, তোমা বিনা সকলি আঁধার ॥ তুমি কাম আমি রতি,  
আমি নারী তুমি পতি, দুই অঙ্গ একই পরাগ । প্রথমে যে প্রীতি  
ছিল, শেষে তাহা নারহিল, পিরীতির এ নহে বিধান ॥ যথা তথা  
যেতে প্রভু, আমরা না ছাড়িতে কভু, এবে কেন আগে ছাড়ি  
গেলা । মিছা প্রেম বাড়াইয়া, ভাল গেলা ছাড়াইয়া, এখন বুঝিনু  
মিছা খেলা ॥ না দেখিব সে বদন, না হেরিব সে নয়ন, না শুনিব  
সে মধুর বাণী । আগে মরিবেন স্বামী, পশ্চাতে মরিব আমি,  
এত দিন ইহা নাহি জানি ॥ আহা আহা হরি হরি, উছ উছ  
মরি মরি, হায় হায় গোসাঁই গোসাঁই । হৃদয়েতে দিতে স্থান,  
করিতে কতেক মান, এখন দেখিতে আর নাই ॥ শিব শিব  
শিব নাম, সব বলে শিবধাম, বানদেব আমার কপালে । যার  
দৃষ্টে মৃত্যু হরে, তার দৃষ্টে প্রভু মরে, এমন না দেখি কোন  
কালে ॥ শিবের কপালে রয়ে, প্রভুরে অহুতি লয়ে, না জানি  
বাড়িল কিবা গুণ । একের কপালে রহে, আরেক কপাল দহে,  
আগুণের কপালে আগুণ ॥ অনলে শরীর ঢালি, তথাপি  
রহিল গালি, মদন মরিলে টমল রতি । এ দুঃখে হইতে পার,  
উপায় না দেখি আর, মরিলেহ নাহি অব্যাহতি ॥ ওরে নিদা-  
রুণ প্রাণ, কোন পথে পতি যান, আগে যারে পথ দেখাইয়া ।

চরণে রাজিবরাজে, মনঃশিলা পাছে বাজে, হৃদে ধরি লহরে  
বহিয়া ॥ ওরে রে মলয়া বাত, তোরো হউক বজ্রাঘাত, মরে  
যারে ভ্রমরা কোকিলা । বসন্ত অম্পায়ু হও, বৃক্ষ হৈয়া বন্ধু  
নও, প্রভুবধি সবে পলাইলা ॥ কোথা গেলা সুররাজ, মোর  
মুণ্ডে হানি বাজ, সিদ্ধ কৈলা আপনার কর্ম্ম । অগ্নিকুণ্ড  
দেহ জ্বালি, আমি তাহে দেহ ঢালি, অস্তকালে কর এই ধর্ম্ম ॥  
বিরহ সন্তাপ যত, অনলে কি তাপ তত, কত তাপ তপনের  
তাপে । ভারত বুঝায়ে কয়, কাঁদিলে কি আর হয়, এই ফল  
বিরহির শাঁপে ॥

রতির প্রতি দৈববাণী ।

পয়ার ।

অগ্নি কুণ্ড জ্বালি রতি সতী হৈতে চায় । হইল আকাশবাণী  
শুনিবারে পায় ॥ শুন রতি তনু ত্যাগ নাকর এখন । শুনহ  
উপায় কহি পাইবে মদন ॥ ছাপারে হবেন হরি কৃষ্ণ অবতার ।  
কংস বধি করিবেন দ্বারকা বিহার ॥ রুক্মিণীয়ে লইবেন বিবাহ  
করিয়া । তাঁর গর্ত্রে এই কাম জনমিবে গিয়া ॥ শব্দর দানব  
বড় হইবে দুর্জয় । মদনের হাতে তার মৃত্যু নিয়োজন ॥ দাসী  
হয়ে তুমি গিয়া থাক তার ধামে । লুকাইয়া এই রূপ মায়াবতী  
নামে ॥ কহিবেন শব্দরে নারদ তপোধন । জন্মিল তোমার  
শত্রু কৃষ্ণের নন্দন ॥ শুনিয়া শব্দর বড় মনে পাবে ভয় । মায়ী  
করি দ্বারকায় যাবে দুরাশয় ॥ মোহিনী বিদ্যায় সবে মোহিত  
করিবে । হরিয়া লইয়া কামে সমুদ্রে ফেলিবে ॥ মৎস্য গিলি-  
বেক তারে আহ্নার বলিয়া । না মরিবে কাম ভবিতবোর

লাগিয়া ॥ সেই মৎস্য জালিয়া ধরিয়া লবে জালে । ভেট লয়ে  
দিবেক শম্বর মহীপালে ॥ 'কুটিবারে সেই মৎস্য দিবেক তো-  
মারে । তাহাতে পাইবে তুমি কৃষ্ণের কুমারে ॥ পুত্রবৎ পালি-  
বা আপন প্রাণনাথ । মা বলে যত্নপি তবে কর্ণে দিবে হাত ॥  
শেষে তারে সম্মোহন আদি পঞ্চবান । শিখাইয়া পরিচয় দিয়া  
দিও জ্ঞান ॥ শম্বরে বধিয়া কাম দ্বারকায় যাবে । কহিনু উপায়  
এইরূপে পতি পাবে ॥ শুনি রতি সাত পাঁচ ভাবনা করিয়া ।  
নিবায় অনল কুণ্ড রোদন অজিয়া ॥ কামের উদ্দেশে চলে  
শম্বরের দেশ । বেশ ভূষা রূপ ছাড়ি ধরি দাসী বেশ ॥ শিবের  
বিবাহ সবে হইল অতঃপর । রচিল ভারতচন্দ্র রায় গুণাকর ॥

### শিব বিবাহ যাত্রা ।

#### লঘু ত্রিপদী ।

শিবের বিবাহ, পরম উৎসাহ, সবে হৈলা যত্নবান । পরম  
সন্তোষে, দুন্দুভি নিঘোষে, ইন্দ্র হৈলা আগুয়ান ॥ নিজগণ  
লঙ্কে বর যাত্রা হয়ে, চলিলা যত অমর । অপসর নাচিছে,  
কিন্নর গাইছে, পুলকিত মহেশ্বর ॥ ব্রহ্মা পুরোহিত, চলিলা  
দ্বরিত, বরকর্ত্তা নারায়ন । ইন্দের শাসনে, মরুত ভুবনে, চলে  
যত রাজগণ ॥ কুবের ভাণ্ডারি, যক্ষগণ ভারি, নানা আয়োজন  
সাজি । বায়ু করি বল, আপনি অনল, হইলা আতস বাজি ॥  
নারদ রসিয়া, হাঁসিয়া হাঁসিয়া, সাজাইতে গেলা বর । বসি  
ছিল হর, উঠিলা সম্বর, নারদ কহে ততঃপর ॥ জটাজুটে চুড়া,  
সাপে বান্ধ খুড়া, মকুটে কি দিবে শোভা । কি কাজ মুক্তায়,  
হাড়ের মালায়, কন্তার মা হবে লোভা ॥ কস্তুরী কেশরে, চন্দ-

নে কি করে, ঘন করে মাখ ছাই । কি করে মণিতে, যে শোভা-  
 ফণিতে, হেন বর কোথা পাই ॥ ফুলমালা যত, শোভা দিবে  
 কত, যে শোভা মুণ্ডের মালে । কাপড়ে কি শোভা, জগমনঃ  
 লোভা, যে শোভা বাঘেরছালে ॥ রথ হস্তী আর, কি কাজ  
 তোমার, যে বুড়া বলদ আছে । তোমার যে গুণ, কব কোটি  
 গুণ, আমি মেনকার কাছে ॥ অধিক করিয়া, সিদ্ধি মিশাইয়া,  
 ধূতরা খাইতে হবে । যাবত বিবাহ, না হবে নির্বাহ, উপবাস  
 তবে হবে ॥ একপ করিয়া, বর সাজাইয়া, হর লয়ে মুনি যায় ।  
 প্রেত ভূতগণ, ধায় অগগন, আন্ধার কৈল ধূল্যায় ॥ বাপ বাপ  
 বাপ, দুপ দুপ দাপ, লম্প বাম্প দিয়া চলে । মহামুখ ধায়, হাঁকে  
 হুম হাম, জয় মহাদেব বলে ॥ সহজে সবার, বিকট আকার,  
 সহিতে না পারে আল । থাবায় থাবায়, মসাল নিবায়, আন্ধা-  
 রে শোভিল ভাল ॥ করতালী দিয়া, বেড়ায় নাচিয়া, হাঁসে  
 হিহি হিহি হিহি । দন্ত কড়মড়ি, করে জড়াজড়ি, লক লক লক  
 জিহি ॥ করে চড়াচড়ি, ধায় রড়ারড়ি, কিলাকিলি গগুগোল ।  
 কেকারে আছাড়ে, কে করে পাছাড়ে, কে মানে ফাহার বোল ॥  
 তরু উপাড়িয়া, গিরি উখাড়িয়া, কৈল প্রলয়ের বড় । বরযাত্র গণ,  
 লইয়া জীবন, পলাইল দিয়া রড় ॥ ইন্দ্রাদি পলায়, অন্য কেবা  
 ভায়, দেখিয়া আনন্দ হরে । আগে ভাগে হরি বিধি সন্ধে করি,  
 গেলা হেমন্তের ঘরে ॥ হিমগিরি রাজ, করিয়া সমাজ, বসি  
 পুরোহিত সাত । বলদে চড়িয়া, শিক্ষা বাজাইয়া, এলো বর ভূত-  
 নাথ ॥ বত কন্যাযাত্র, দেখিয়া সুপাত্র বলে এ কেমন বর । বর-  
 যাত্র গণে, দেখে ভয় মনে, না সরে কার উত্তর ॥ কৃষ্ণচন্দ্র রায়,  
 রাজা ইন্দ্রপ্রায়, অশেষ গুণসাগর । তাঁর অভিমত, রচিলা  
 ভারত, কবি রায় গুণাকর ॥

শিব বিবাহ ।

পয়ার ।

সভামাবে হিমালয় পূর্ব মুখ হয়ে । বসিয়াছে দান সজ্জা  
বাম দিগে লয়ে ॥ উত্তরাস্যে রাখিয়াছে বরের আসন । পর-  
স্পর শাস্ত্র কথা কহে ধীরগণ ॥ হেন কালে বর আসি হৈল  
অধিষ্ঠান । সম্মুখে উঠিয়া সবে কৈলা অভ্যুত্থান ॥ বর দেখি  
হিমালয় হৈলা হত বুদ্ধি । ভূতগণে দেখিয়া উড়িল ভূতশুদ্ধি ॥  
কহিতে না পারে দক্ষ যজ্ঞ ভাবি মনে । ভুলিয়া বসিলা গিরি  
বরের আসনে ॥ ভবানীর ভাবে ভব ঢুলিয়া ঢুলিয়া । গিরির  
আসনে গিয়া বসিলা ভুলিয়া ॥ বিধি তাহে বিধি দিলা এ  
এক নিয়ম । তদবধি বিবাহেতে হৈল ব্যতিক্রম ॥ কুশহস্ত  
হিমালয় বিধির বিহিত । হেন কালে জিজ্ঞাসা করিল পুরো-  
হিত ॥ কে পিতা কে পিতামহ কে প্রপিতামহ । কিবা গোত্র  
কয় বা প্রবর বর কহ ॥ হেঁট মুখে পঞ্চানন ভাবিতে লাগিলা ।  
বিষয় বুঝিয়া বিধি বিশেষ কহিলা ॥ স্মর হরবর বর পিত পুর-  
হর । পিতামহ সংহর প্রপিতামহ হর ॥ শিব গোত্র শঙ্কু শর্ব্ব  
শঙ্কর প্রবর । শুনিয়া বিধিরে চাহি হাঁসিলেন হর ॥ এ রূপে  
গিরিশে গিরি গৌরী দান দিলা । স্ত্রীআচার করিবারে মেনকা  
আইলা ॥ কেশব কোঁতুকি বড় কোঁতুক দেখিতে । নারদে  
কহিলা কন্দল লাগাইতে ॥ গরুড়ে কহিলা শুনি ভয় দেখাইয়া ।  
শিবকটিবন্ধ সাপ দেহ খেদাইয়া ॥ এযোগণ সজ্জে করি  
প্রদীপ ধরিয়া । লইয়া নিছনী ডালা ছলাছলি দিয়া ॥  
বরের সমুখে মাত্র মেনকা আইলা । পলাবার পথে গিয়া হরি  
দাঁড়াইলা ॥ গরুড় ছঙ্কার দিয়া উত্তরিল গিয়া । মাথা গুঁজে

যত সাপ যায় পলাইয়া ॥ বাঘ ছাল খসিল উলঙ্গ হৈলা হর ।  
 এয়ো গণ বলে ও মা একেমন বর ॥ মেনকা দেখিলা চেয়ে জামাই  
 লেঙ্গটা । নিবাসে প্রদীপ দেয় টানিয়া ঘোমটা ॥ নাকে হাত  
 এয়োগণ বলে আই আই । মেদনী বিদরে যদি তাহাতে সামাই ॥  
 দেখিয়া সকল লোক মসাল নিবায় । শিব ভালে চাঁদ অগ্নি আলো  
 করে তায় ॥ লাজে মরে এয়োগণ কি হৈল আপদ । মেনকার  
 কাছে গিয়া কহিছে নারদ ॥ শুন এয়ো এয়োগণ ব্যস্ত কেন  
 হও । কেমন জামাই পেলে বুঝে শুঝে লও ॥ মেনকা নারদ  
 বাক্যে রহে মনদুঃখে । পলাইতে গোবিন্দের পড়িলা সমুখে ॥  
 দশনে রসনা কাটী গুড়ি গুড়ি যায় । আই আই কি লাজ কি  
 লাজ হয় হয় ॥ ঘরে গিয়া মহাক্রোধে অজি লাজ ভয় ।  
 হাত লাড়ি গলাতাড়ি ডাকছাড়ি কয় ॥ ওরে বুড়া আঁটকুড়া  
 নারদা অস্পেয়ে । হেন বর কেমনে আনিলি চক্ষু খেয়ে ॥  
 বুড়া হয়ে পাগল হয়েছে গিরি রাজ । নারদার কথায় করিল হেন  
 কাজ ॥ ভারত কহিছে আর কি আছে আঁটক । কন্দলের  
 অভাব কি নারদ ঘটক ॥

কন্দল ও শিবনিন্দা ।

পয়ার ।

কান্দে রাণী মেনকা চক্ষুর জলে ভাসে । নখে নখ বাজায়  
 নারদ মূনি হাঁসে ॥ কন্দলে পরমানন্দ নারদের টেকী । আক-  
 শলী পোয়া মোনা গড়ে মেকামেকী ॥ পাখা নাহি তবু টেকী  
 উড়িয়া বেড়ায় । কোণের বহুড়ী লয়ে কন্দলে জড়ায় ॥ সেই  
 টেকী চড়ে মূনি কান্ধে বীণা বস্ত্র । দাড়ী লড়ে ঘন পড়ে কন্দ-

লের মস্ত্র ॥ আয়রে কন্দল তোরে ডাকে মদাশিব । মেয়ে  
 গুলি মাথা কুঁড়ে তোরে রক্ত দিব ॥ বেনা কোড়ে কুটি  
 বান্ধি কি কর সিয়া । এয়ো সুয়া এক চাঁই দেখরে আসিয়া ॥  
 ঘুরলে বাতাস লয়ে জলের ঘুরলে । সেহাকুল কাঁটা হাতে  
 কাঁটা এসো চলে ॥ এক চাঁই এতো মেয়ে দেখা নাহি  
 যায় । দোহাই চণ্ডীর তোরে আয় আয় ২ ॥ নারদের মস্ত্র তস্ত্র  
 না হয় নিষ্ফল । পরম্পর এয়োগণে বাজিল কন্দল ॥  
 এ বলে উহার মই ওটা বড় চৈটা । আর জন বলে মই  
 এই বটে সেটা ॥ যেই মাত্র বুড়া বর হইল লেঙ্কটা । আই  
 মা লো চেয়ে রৈল ফেলিয়া ঘোমটা ॥ সে বলে লো বটে  
 বটে আমি বড়ো চৈটা । গোবিন্দে সুন্দর দেখি চেয়ে রৈল  
 কেটা ॥ আর মই বলে থাক জানি লো উহারে । পথিকেরে  
 ভুলাইয়া আনে আঁখি চারে ॥ ইহার ইয়া কহে উহার  
 মকর । গোবিন্দে দেখিয়াছে এ বড় পামর ॥ চারি মুখা রা-  
 দ্ধাটা বরের ভাই হেন । তার দিকে তোর দিদী চেয়ে রৈল  
 কেন ॥ সে বলে নাফানী আলো না জ্ঞান আপনা । চাঁদে দেখি  
 দেখিয়াছি তোর সতীপনা ॥ এই রূপে কন্দলে লাগিল কুটা-  
 কুটি । ডাকাডাকি গালাগালি মাথা কুটাকুটি ॥ দাঁড়াইয়া পি-  
 ডায় হাঁসেন পশুপতি । হেঁটমুখে মৃদু মন্দ হাঁসেন পার্বতি ॥  
 হর বলিয়া ডাকিছে ভূত যত । হরিষ বিষাদে হিমালয় জ্ঞান-  
 হত ॥ ভূত ভয়ে এয়োগণ নীরব রহিছে । ডুকরিয়া কুকরিয়া  
 মেনকা কহিছে ॥ আহা মরি ও মা উমা সোনার পুস্তল । বুড়ারে  
 কে বলে বর কেবল বাতুল ॥ পায়ে পড়ে আমার উমার কেশ  
 পাশ । বুড়ার বিকট জটা পরশে আকাশ ॥ আমার উমার দন্ত

মুকুতা গঞ্জন । বায়ে লড়ে ভান্ধা বেড়া বুড়ার দশন ॥ উমার বদন  
চাঁদে পরকাশে রেকা । বুড়ার বিকট মুখে দাড়ি গোঁফ পাকা ॥  
কিশোভা উমার গায়ে সুগন্ধি চন্দন । ছাইমাখে অঙ্গে বুড়া একি  
অলক্ষণ ॥ উমার গলায় জাতী মালতীর মালা । বুড়ার গলায়  
হাড়মালা এ কি ছালা ॥ বিচিত্র বসন উমা পরে কত বন্ধে ।  
বাঘছাল পরে বুড়া আঁত উঠে গন্ধে ॥ উমার রতন কাঞ্চী  
ভ্রমর গুঞ্জরে । বুড়ার কোমরবন্ধ ফণী ফৌল ধরে ॥ নিছনি ক-  
রিতে গেনু লয়ে তৈল কুড় । সাপে খেয়েছিল প্রায় বাঁচালে  
গরুড় ॥ আই মা এ লাজ কি রাখিতে চাই আছে । কেমনে  
উলঙ্গ হৈল শাশুড়ির কাছে ॥ আলো নিবাইনু লেবে দারণ ল-  
জ্জায় । কপালে আগুণ তার আলো করে তায় ॥ আহা মরি  
বাছা উমা কি তপ করিলে । সাপুড়ের ভূতুড়ের কপালে প-  
ড়িলে ॥ বর যাত্র প্রেত ভূত দাঁড়াইয়া মুতে । ভাগ্য বলে  
এযোগণে না পাইল ভূতে ॥ কহিছে ভারতচন্দ্র রায় গুণাকর ।  
দক্ষ বজ্র মনে করি নিন্দহ শঙ্কর ॥

শিবের মোহন বেশ ।

পয়ার ।

শিব নিন্দা করিয়া মেনকা যত কহে । দক্ষেরে হইল মনে  
উমারে না সহে ॥ যে দুঃখে দক্ষের ঘরে ত্যজিলায় কায় ।  
এখানে মেনকা বুঝি ফেলে সেই দায় ॥ হর লয়ে নরলীলা  
করিবারে চাই । তাহে হয় শিব নিন্দা এ বড় বালাই ॥ কি  
জানি শিবের মনে পাছে হয় ক্রোধ । কৃপা করি মেনকারে  
উমা দিলা বোধ ॥ মেনকার হৈল জ্ঞান দেবীর দয়ায় ।

মনোহর বর হরে দেখিবারে পায় ॥ জটাঝুট মুকুট দেখিলা  
ফণী মণি । বাঘছাল দিব্য বস্ত্র দিব্য পৈতা ফণী ॥ ছাই দিব  
চন্দন বদন কোটি চাঁদ । মুগ্ধ হৈল সর্বজন দেখিয়া সুহৃদ ॥  
হরগুণ বরগুণ হৈল একঠাই । মেনকা আনন্দে ঘরে লাইল জা-  
মাই ॥ এই রূপে হর গৌরী বিবাহ হইল । হিমালয় মেনকার  
আনন্দ বাড়িল ॥ কুন্তলে ছলাছলি দেয় এযোগণ । ঋষিগণ  
বেদগানে পুরিল ভুবন ॥ কিম্বর করয়ে গান নাচয়ে অপসর ।  
অশেষ কৌতুক করে যত বিদ্যাধর ॥ উমা লয়ে উমাপতি গে-  
লেন কৈলাস । বিধি বিষ্ণু আদি সবে গেলা নিজ বাস ॥ নি-  
তাসখী আশ্বিনী বিজয়া মিলিল । ডাকিনী যোগিনী আদি  
যে যেখানে ছিল ॥ আজ্ঞা দিলা কৃষ্ণচন্দ্র ধরণী ঈশ্বর । রচিল  
ভারতচন্দ্র রায় গুণাকর ॥

শিক্ষি ঘোটন ।

পয়ার ।

উমা পেয়ে মহেশের বাড়িল আনন্দ । নন্দিরে কহেন কথা  
হাঁসি হৃদমন্দ ॥ শুন ২ ওরে নন্দি তুমি বড় ভক্ত । শিক্ষি ঘুঁটি  
দিতে মোরে তুমি বড় শক্ত ॥ এত বেলা হৈল দেখ শিক্ষি  
নাহি থাই । বুদ্ধি হারা হইয়াছি শুদ্ধি নাহি পাই ॥ ফাঁফর  
হইনু দেখ মুখে উড়ে ফেকো । ভেভাচাকা লাগিল ভুলিয়া হৈনু  
জেকো ॥ নূতন ঘোটনা কুঁড়া দিয়াছে বিশাই । আজি বড় শুভ  
দিন বার কর তাই ॥ এমন আনন্দ মোর কবে হবে আর ।  
সতী নিবসতি এল গেল অন্ধকার ॥ যদবধি এই সতী দক্ষ-  
যজ্ঞে গিয়া । ছাড়ি গিয়াছিল মোরে শরীর ছাড়িয়া ॥ তদবধি

থ

গৃহ শূন্য সিদ্ধি নাহি জানি । আজি হৈল ইষ্টসিদ্ধি সিদ্ধি  
 দেহ আনি ॥ অঙ্গ করি সিদ্ধি লৈ মন লক্ষ বার । ধতুরার  
 কল তাহে যত দিতে পার ॥ মহরী মরীচ লক্ষ প্রভূতি মসলা ।  
 অধিক করিয়া দিয়া করহ রসলা ॥ দুখ দিয়া ঘন করি  
 ঘুরাও ঘোটনা । দুখ কুসুমায় আজি হয়েছে বাসনা ॥ ভুল্লী  
 মহাকাল ভূত ভৈরবাদি যত । সকলে প্রসাদ পাবে ঘোট  
 তারি মত ॥ শুনি নন্দী মহানন্দে বন্দি পঞ্চাননে । নূতন  
 ঘোটনা কুঁড়া আনিলা যতনে ॥ বাছিয়া সিদ্ধির রাশি উড়াইয়া  
 গুঁড়া । ধুইয়া গঙ্গার জলে পূর্ণ কৈল কুঁড়া ॥ দুই হাতে  
 ঘোটনা দুপায়ে কুঁড়া ধরি । ত্রিপুর মর্দন নাশ ঘনেন ২ আরি ॥  
 তাকে পাকে ঘোটনায় আরস্তিলা পাক । ঘর্ঘর ঘুরান ঘোর  
 ঘনঘন ডাক ॥ রাশি ২ তাল ২ পর্বত প্রমাণ । গঙ্গাজলে ঘুলি  
 কৈল সমুদ্র সমান ॥ সিদ্ধি ঘোট হৈল হর হাঁসেন হরিষে ।  
 বস্ত্র বিনা ব্যস্ত হৈলা ছাকিবেন কিসে ॥ হৈমবতী হাঁসিছেন  
 বদনে অঞ্চল । ভারত কহিছে আর ছাকিয়া কিফল ॥

### সিদ্ধি ভঙ্গণ ।

পয়ার ।

সিদ্ধি ঘুটি আনি নন্দী অন্তরে দাঁড়ায় । বেতাল ভৈরব-  
 গণ নাচিয়া বেড়ায় ॥ সম্মুখে ধুইয়া সিদ্ধি মুদিয়া নয়ন ।  
 বিজয়ার বীজমস্ত জপি পঞ্চানন ॥ অঙ্গুলির অগ্রভাগে অগ্র  
 ভাগ লয়ে । ভবানীর নামে দিলা একভাব হয়ে ॥ ছোয়া-  
 ইয়া চক্ষে মস্ত পড়িয়া বিশেষ । একই নিশ্বাসে পিয়া করিলা  
 নিঃশেষ ॥ হৃদ্ধার ছাড়িয়া বৈসে মগণ হইয়া । আকুল হইলা

বড় নকুল লাগিয়া ॥ নকুল করিব কি রে কহেন নন্দিরে ।  
 ভৃঙ্গী কহে মহাপ্রভু কি আছে নন্দিরে ॥ তাল বলে আজি  
 ঘরে মাতা উপস্থিত । মেনকা মেলানী ভার দিয়াছে কিঞ্চিত ॥  
 হাঁসিয়া কহেন হর ভাল মোর ভাই । বড় কথা মনে কৈলি  
 আন দেখি তাই ॥ অসখ্য মেলানী ভার নকুলে উড়িল । সহ  
 চরণ সব ভাবিতে লাগিল ॥ শঙ্কর কহেন নন্দী সবারে  
 ডাকাও । সকলে সিদ্ধির শেখ পরমাদ পাও ॥ সকলে বাঁটিয়া  
 লও কিঞ্চিত ২ । সাবধান কেহ যেন না হয় বঞ্চিত ॥ আজ্ঞামত  
 পূর্ণ করি সকলে পাইলা । নকুলের শেষ নাহি ভাবিতে লাগিলা ॥  
 ভবানীর কাছে গিয়া নন্দী দেয় লাজ । ওগো মাতা তোমার  
 মায়ের দেখ কাজ ॥ এমন মেলানীভার দিল আই বুড়ী ।  
 জামাইর সিদ্ধির নকুলে গেল উড়ি ॥ আমরা নকল করি এমন  
 কি আছে । তুমি আজ্ঞা দিলে যাই মেনকার কাছে ॥ হাঁসিয়া  
 কহেন দেবী আরে বাছা সব । তোমা সবাকার কেবা সহে  
 উপদ্রব ॥ আই বলি যাহ যদি মোর মার চাই । যে বুঝি  
 ভাঙ্গার চালে খড় রবে নাই ॥ তোমরা আমার মায়ে কি দোষ  
 পাইলে । ফুরাইবে নাহি দ্রব্য বৎসর খাইলে ॥ কে বলে  
 মেলানীভারে নাহি আয়োজন । আন রে মেলানীভার দেখিব  
 কেমন ॥ মায়া কৈলা মহামায়া মায়ের কারণ । পুরিল মেলা-  
 নীভার পূর্বের যেমন ॥ দেখিয়া সানন্দ ভূত ভৈরব সকল ।  
 পাইতে লাগিল সবে মহাকুন্তল ॥ জয় হর গোঁরী বলিয়া ২ ।  
 নাচিয়া বেড়ায় সবে করতালি দিয়া ॥ আজ্ঞা দিলা কৃষ্ণচন্দ্র  
 ধরণী ঈশ্বর । রচিল ভারতচন্দ্র রায় গুণাকর ॥

হরগৌরীর কথোপকথন ।

পর্যায় ।

আনন্দ সাগরে হর মগন হইলা । বিনয়ে দেবির প্রতি কহিতে  
লাগিলা ॥ তুমি মূল প্রকৃতি সকল বিশ্বসার । কৃপা করি  
আমারে করিলে অঙ্গীকার ॥ দক্ষমজ্ঞে আমার নিন্দায় দেহ  
ছাড়ি । এত দিন ছিলা গিয়া হেমন্তের বাড়ি ॥ ভাগ্যে মে  
তোমার দেখা পানু আরবার । সত্য করি কহ মোরে না ছা-  
ড়িবে আর ॥ হাঁসিয়া কহেন দেবী তোমা ছাড়া নই । শঙ্কর  
কহেন তবে এস এক হই ॥ অঙ্গে তোমার আমার অঙ্গে ২ ।  
হরগৌরী এক তনু হয়ে থাকি রঞ্জে ॥ হাঁসিয়া কহেন দেবী  
এমন কি হয় । সোহাগে এমন কথা পুরুষেরা কয় ॥ নারীর  
পতির প্রতি বাসনা যেমন । পতির নারীর প্রতি মন কি  
ভেমন ॥ পাইতে পতির অঙ্গ নারী সাধ করে । তার সাক্ষী  
মৃত পতি সঙ্গে পুড়ে মরে ॥ পুরুষেরা দেখ যদি নারী মরে  
যায় । অস্ত্র নারী ঘরে আনে নাহি ঘরে তায় ॥ নিজ অঙ্গ  
হৃদি মোর অঙ্গে মিলাইবা । কুচনীর বাড়ী তবে কেমনে  
বাইবা ॥ শুনিয়া কহেন শিব পাইয়া সরন । তোমার সহিত গৃহে  
এমন মরম ॥ তোমার শরীর আমি মাথায় করিয়া । দেখিয়াছ  
কিরিয়াছি পৃথিবী ঘুরিয়া ॥ চক্রকরি চক্রপাণি চক্রেতে  
কাটিয়া । মোর মাথা হৈতে তোমা দিলা ছাড়াইয়া ॥ অঙ্গ  
প্রতিঅঙ্গ তব পড়িল যেখানে । ভৈরব হইয়া আমি রয়েছি  
সেখানে ॥ তবে মোরে হেন কথা কহ কি লাগিয়া । আরবার  
যাবে বুঝি আমারে ছাড়িয়া ॥ শুনিয়া কহেন দেবী সহাস্য-  
বদনে । সমভাব নহে এক হইব কেমনে ॥ পাঁচ মুখ তো-

নাহি যায় ফল ॥ কত কষ্টে ঘৃত পানু সারা হাট ফিরে । যে টি  
কয় সে টি লয় নাহি লয় ফিরে ॥ দুই পণে এক পণ কিনি-  
য়াছি পান । আনি যেই তেঁই পানু অন্যো নাহি পান ॥ অবাক  
হইনু হাটে দেখিয়া গুবাক । নাহি বিনা দোকানির না সরে  
গুবাক ॥ দুঃখেতে আনিবু দুঃগ গিয়া নদী পারে । আমা বিনা  
কার সাধ্য আনিবারে পারে ॥ আটপণে আনিয়াছি কাট আট  
আটি । নষ্ট লোকে কাষ্ট বেচে তারে নাহি আঁটি ॥ পুন হয়ে  
ছি নু বাছা চুন চেয়ে ২ । শেষে না কুলায় কড়ী আনিলাম চেয়ে ।  
লেখা করি বুক বাছা ভূমে পাতি খড়ী । শেষে পাছে বল মাসী  
খোয়াইল কড়ী ॥ মাহার্য দেখিয়া দ্রব্য না সরে উত্তর । যে বুঝি  
বাড়িবে দর উত্তর ২ ॥ শুনি স্বরে মহাকবি ভারত ভারত ।  
এমন না দেখি আর চাহিয়া ভারত ॥

বিভার রূপ বর্ণন ।

পয়ার ।

বিনানিয়া বিনোদিয়া বেণীর শোভায় । সাপিনী তাপিনী  
তাপে বিবরে লুকায় ॥ কেবলে শরদ শশি সে মুখের তুলা ।  
পদনখে পড়ে তার আছে কত গুলা ॥ কি ছার মিছার কাম ধনু  
রাগে কুলে । ভুরুর সমান কোথা ভুরু ভঞ্জে ভুলে ॥ কাড়ি নিল  
মৃগমদ নয়ন হিল্লোলে । কাঁদে রে কলঙ্কী চাঁদ মৃগ লয়ে  
কৌলে ॥ কেবা করে কামশরে কটাক্ষের সম । কটুতায় কোটি ২  
কালকট কম । কি কাজ্জ সিদ্ধুরে মাজি মুকুতার হার । ভুলায়  
তবের পাঁতি দন্তপাঁতি তার ॥ দেবাসুরে সদা দন্দ সুধার লা-  
গিয়া । ভয়ে বিধি তার মুখে খুইলা লুকাইয়া ॥ পদ্মযোনি পদ্ম

নালে ভাল গড়ে ছিল । ভুজ দেখি কাঁটা দিয়া জলে ডুবাইল ॥  
 কুচ হৈতে কত উচ্চ মেরুচড়া ধরে । শীহরে কদম্বকুল দাড়িম্ব  
 বিদরে ॥ নাভিকুপে যাইতে কাম কুচশস্ত্র বলে । ধরেছে কুন্তল  
 তার রোমাবলি ছলে ॥ কত সরু ডমরু কেশরি মধ্য খান । হর  
 গৌরী কর পদে আছে পরিমাণ ॥ কে বলে অনঙ্গ অঙ্গ দেখা  
 নাহি যায় । দেখুক যে আঁখি ধরে বিদ্যার মাজায় ॥ মেদিনী  
 হৈল মাটি নিতম্ব দেখিয়া । অত্যাপি কাঁপিয়া উঠে থাকিয়া ২ ॥  
 করিকর রামরস্তা দেখি তার উরু । সুবলনি শিথিবারে মানি-  
 লেক গুরু ॥ যেজন না দেখিয়াছে বিচার লেন । সেই বলে  
 ভাল চলে মরাল বারণ ॥ জিনিয়া হারিঅ চাপা স্ত্রোনার বরণ ।  
 অনলে পুড়িছে করি তার দরশন ॥ রূপের সমতা দিতে  
 আছিল ভড়িত । কি বলিব ভয়ে স্থির নহে কদাচিত ॥ বসন  
 ভূষণ পরি যদি বেশ করে । রতি সহ কত কোটি কাম ঝুরে  
 মরে ॥ ভ্রমর বন্ধার শিখে কঙ্কণ বন্ধারে । পড়ায় পঞ্চম স্বর  
 ভাষে কোকিলারে ॥ কিঙ্কিত কহিনু রূপ দেখেছি যেমন ।  
 গুণের কি কব কথা না বুঝি তেমন ॥ সবে এক কথা জানি  
 তার প্রতিজ্ঞায় । যে জন বিচারে জিনে বরিবেক তায় ॥ দেশে  
 এই কথা লয়ে গেল দূত । আসিয়া হারিয়া গেল কত রাজ-  
 সূত ॥ ইথে বুঝি রূপসম নিরূপমা গুণে । আসে যায় রাজপুত্র  
 যে যেখানে শুনে ॥ সীতা বিয়া মত হৈল ধনু ভঙ্গ পণ । ভেবে  
 মরে রাজা রাণী হইবে কেমন ॥ বৎসর পনের ষোল হৈল কর-  
 জ্রম । লক্ষী সরস্বতী পতি আইলে রহে ভ্রম ॥ রাজপুত্র বটে  
 বাছা রূপ বড় বটে । বিচারে জিনিতে পার তবে বড় ঘটে ।  
 যদি কহ কহি রাজা রাণীর সাক্ষাত । রায় বলে কেন নাসী

Comp 4498 M-14/1/09

মার আমার এক মুখ। সমভাগে অর্দ্ধ ভাগে তুমি পাবে  
দুঃখ ॥ দশ হাত তোমার আমার দুটি হাত। সমভাগে  
অর্দ্ধভাগে হইবে উৎপাত ॥ শঙ্কর কহেন শুন পূর্ব সমা-  
চার। এক মুখ দুই হাত আছিল আমার ॥ উদ্ধ মুখে আগমে  
তোমার গুণ গাই। দুই ভুজ উদ্ধ করি তোমারে ধেরাই ॥  
চারি বেদে তব গুণ গান করিবারে। চারি মুখ দিলা তুমি  
অধিক আমারে ॥ চারি তাল ধরিতে অধিক আট হাত।  
দিয়াছ আপনি পূর্বের নিন্দহ পশ্চাত ॥ এত বলি এক মুখ  
দ্বিভুজ হইলা। সাক্ষি করি এক মুখ রুদ্রাক্ষে রাখিলা ॥ হাঁ-  
সিয়া কহেন দেবী হইলা সমান। হরগৌরী এক হই ইথে  
নাহি আন ॥ দুই জনে সহাস্য বদনে রসরঞ্জে। হরগৌরী  
এক হৈলা দুই অর্দ্ধ অঙ্গে ॥ এই রূপে হরগৌরী করেন  
বিহার। গজানন ষড়ানন হইল কুমার ॥ আজ্ঞা দিলা কৃষ্ণ-  
চন্দ্র ধরণীসুন্দর। রচিল ভারতচন্দ্র রায় গুণাকর ॥

রাজা মানসিংহের বাঙ্গালায় আগমন।

দীর্ঘ ত্রিপদী।

যশোর নগর ধাম, প্রতাপআদিত্য নাম, মহারাজা বঙ্গ  
কায়স্থ। নাহি মানে পাতসায়, কেহ নাহি আঁটে তায়, ভয়ে  
যত ভূপতি ছারস্থ ॥ বরপুত্র ভবানীর, প্রিয়তম পৃথিবির,  
স্বায়াম্বুজ হাজার ঘর ঢালী। ঘোড়শ হলকা হাতি, অযুত তুরঙ্গ  
সতি, যুদ্ধকালে সেনাপতি কালী ॥ তার খুড়া মহাকায়,  
আছিল বসন্ত রায়, রাজা তারে সবংশে কাটিল। তার বেটা  
কচুরায়, রাণী বাঁচাইল তায়, জাহাঙ্গীরে সেই জানাইল ॥

ক্রোধ হৈল গাতসায়, বান্ধিয়া আনিতে তায়, রাজা মান-  
সিংহে পাঠাইলা। বাইশ লক্ষর সঙ্গে, কচুরায় লয়ে রঙ্গে,  
মানসিংহ বান্ধালা আইলা ॥ কেবল যমের দূত, সঙ্গে যত রজ-  
পুত, নানা জাতি মোগল পাঠান। নদী বন এড়াইয়া, নানা  
দেশ বেড়াইয়া, উপনীত হৈল বর্দ্ধমান ॥ দেবী দয়া অনুসারে,  
ভবানন্দ মজুমদারে, হইয়াছে কানগোই ভার। দেখা হেতু ক্রত  
হয়ে, নানা দ্রব্য ভাগী লয়ে, বর্দ্ধমানে গেলা মজুমদার ॥  
মানসিংহ বান্ধালার, যতই সমাচার, মজুমদারে জিজ্ঞাসিয়া  
জানে। দিন কত থাকি তথা, বিজ্ঞানুন্দের কথা, প্রসঙ্গত  
শুনিল। সেখানে ॥ গজ পুষ্ট আরোহিয়া, সুড়ঙ্গ দেখিলা  
গিয়া, মজুমদারে জিজ্ঞাসা করিল। বিবরিয়া মজুমদার, বিশেষ  
বহেন তার, যেই রূপে সুড়ঙ্গ হইল ॥

মালিনীর বেসাতির হিসাব।

পয়ার।

বেসাতি কড়ীর লেখা বুঝ রে বাছনি। মাসী ভাল মন্দ কিবা  
করহ বাছনি ॥ পাছে বল বুনিপোরে মাসী দেই খোঁটা।  
ঘটি টাকা দিয়াছিল। সবগুলি খোঁটা ॥ যে লাজ পেয়েছি হাতে  
কৈতে লাজ পায়। এ টাকা মাসীরে কেন মাসী তোরা পায় ॥  
তবে হয় প্রত্যয় সাক্ষাতে যদি ভাঙ্গি। ভাঙ্গাইনু দুকাহনে  
ভাগ্যে বেনে ভাঙ্গি ॥ সেরের কাহন দরে কিনিনু সন্দেশ।  
আনিয়াছি আধ সের পাইতে সন্দেশ ॥ আট পণে আধ সের  
আনিয়াছি চিনি। অন্য লোকে ভূরা দেয় ভাগ্যে আমি  
চিনি ॥ দুর্লভ চন্দন চুয়া লজ্জ জায়ফল। সুলাভ দেখিনু হাতে

বাড়াও উৎপাত ॥ দেখি আগে বিচার বিছায় কত দৌড় । কি  
জানি হারায় বিছা হাসিবেক গোড় ॥ নিশ্চয় মালা তুমি  
বিছারে যোগাও । এক দিন মোর গাঁথা মালা লয়ে যাও ॥ মালা  
মাক্ষেপত্র দিব তাহে বুঝা সুজ্ঞা । বেড়া নেড়ে যেন গৃহস্থের মন  
বুঝা ॥ বুঝিলে তাহার ভাব তবে করি শ্রম । বিক্রমে কি ফল  
ক্রমে ২ বুঝি ক্রম ॥ ভাল বলি হাস্যমুখে হীরা দিল সায়া ।  
গাঁথিনু বড়িশে মাছ আর কোথা যায় ॥ বোলে চলে গেল দিবা  
বিভাবরী ঘূমে । ভারত পড়িলা ভোরে মালা গাঁথা ধূমে ॥  
কৃষ্ণচন্দ্র আজায় ভারতচন্দ্র গায় । হরি ২ বল সবে পালা  
হইল সায়া ॥

### ত্রিপদী ॥

বলিমার, এসংসার, হয় যার অধিকার,

এক বার, ভাবে ভাব তাঁরে ।

স্বভাব রোয়েছে কাছে, কিসের অভাব আছে,

ভাব ভরা ভবের ভাঙারে ॥

কিবা জল, কিবা স্থল, আকাশ অনিলানল,

এ সকল প্রকৃতির খেলা ।

কর্ম দেখে মর্ম লও, ধর্মধামে স্থিত হও,

কর্ম লোভে কোরোনাকো হেলা ॥

দেখিয়া এ সব ফার্ষ্য, কিছুই না হোলো ধার্ষ্য,

মনোরাজ্য কত কর আর ।

চিনিলেনা এই সৃষ্টি, নয়নে করিয়া দৃষ্টি,

কেবল দেখিছ অন্ধকার ॥

ভ্রমে কেন ভব ঘূরে, হইতেছ ভব ঘূরে,

ভব ঘূরে কত দূরে যাবে ।

মহারত্ন নহে দূরে, তোমারি হৃদয় পুরে,

ঘরে বোসে আশ্বারাম পাবে ॥

আত্মাহিতে জ্ঞান লও, আত্মাতত্ত্ব পথে রও,

আত্মার আত্মীয় হও মন ।

আত্মারাম, এই নাম, পড় বাবা আত্মারাম,

আত্মাই তোমার আত্ম ধন ॥

আত্মাক্রমে ভব ধব, দেহে বিরাজিত তব,

সে তোমার তুমি হও তার ।

যেমন ফুলের বাস, ফুলেতেই করে বাস,

দেহ দেহী সে রূপ প্রকার ॥

দিন যত হয় গত, মরণ নিকট তত,

মরণ না হয় একবার ।

সার করি ভ্রান্তি ভূমি, জাগিয়া ঘুমালে তুমি,

কারে আমি জাগাইব আর ॥

দেহ মাত্র বায়ু ভরা, ঘোর জরা আয়ু হরা,

প্রতিক্ষণ আয়ু বায়ু টানে ।

কিসের আশ্বাস হয়, নিশ্বাস হোতেছে ক্ষয়,

বিশ্বাস কি আছে আর প্রাণে ॥

বতক্ষণ বেঁচে আছি, মিছে কেন কাচ কাচ,

মিছে কেন আঁচ আঁচ আর ।

পাঁচের অতীত যেই, আঁচের অতীত সেই,

এঁচে কর তাঁর পদ সার ॥

শক্তি নাই চলিবার, বল নাই বলিবার,

ছলিবার সাদ কেন তবে ।

সময়তো শেষ হয়, জগদীশ জয় জয়,

প্রেমভাবে করে আর করে ॥

দূর করি সব দুখ, লইতে অনন্ত সুখ,

সন্তোষ সদনে যাবে যদি ।

জ্ঞান তরি যত্নে লও, দিনে দিনে পার হও,

মিছে আশা কর্ম নাশা নদি ॥



পর্যায় ॥

প্রেমের শরীর যার, তার এক ভাব ।

ত্রিভুবনে নাহি তার, কিছুর অভাব ॥

পরমেশ প্রিয়পাত্র, পরিহৃত দোষ ।

পরিতোষ পরিপূর্ণ, হৃদয়ের কোষ ॥

ধনে তার কি করিবে, মনের সুদার ।

ঘরের ভিতরে পায়, ইশ্বের আগার ॥

সুখময় ভাব সদা, অন্তরে উদয় ।

নাহি জানে ভাল মন্দ, সদানন্দময় ॥

অনেকেই মুখে শুধু, প্রেম প্রেম কর ।

মুখের বচন নয়, সুখের প্রণয় ॥

প্রেমরূপ হেম হার, শোভে যার গলে ।

তার মন, কখনো কি, অন্য রসে গলে ॥

আত্মপর ভেদ নাই, সম সমুদয় ।

এক ধ্যান, এক জ্ঞান, প্রভু প্রেমময় ॥

স্থির ভাবে, সার রসে, মগ্ন মন যার ।  
 প্রেমিক তারেই বলি, প্রেমিক কে আর ॥  
 যার মনে সার প্রেম, না হয় উদয় ।  
 তারে কি প্রেমিক বলি, প্রেমিক সে নয় ॥  
 প্রভায় প্রদীপ্ত করে, সেই মগি, মগি ।  
 পর উপকারে রত, সেই ধনী, ধনী ॥  
 সুশীতল হিতকর, সেই বারি, বারি ।  
 পতিপ্রেম পরায়ণা, সেই নারী, নারী ॥  
 সহজে সন্তোষ মনে, সেই ধীর, ধীর ।  
 রিপু বশ করে যেই, সেই বীর, বীর ॥  
 অকলঙ্ক গুণময়, সেই কুল, কুল ।  
 ভ্রমর আমোদী যাতে, সেই ফুল, ফুল ॥  
 সুধা সম স্বাদ সার, সেই কল, কল ।  
 নব্ব্বজয়ী, দৈব বল, সেই বল, বল ॥  
 স্বভাবে সুন্দর শোভা, সেই রূপ, রূপ ।  
 প্রজ্বার পালনে রত, সেই ভূপ, ভূপ ॥  
 দশ দিগে যশ ধায়, সেই যশ, যশ ।  
 রসনা রসিক রসে, সেই রস, রস ॥  
 দুঃখের নাহিক লেশ, সেই সুখ, সুখ ।  
 বচনে অমৃত ফরে, সেই মুখ, মুখ ॥  
 ঈশ্বরের স্নেহ লাভ, সেই আশা, আশা ।  
 সুমধুর সত্য ভাষ, সেই ভাষা, ভাষা ॥  
 অভিনান নাহি যাতে, সেই মান, মান ।  
 পরব্রহ্ম গুণ গান, সেই গান, গান ॥

একান্তে অচল লক্ষ্য, সেই ধ্যান, ধ্যান ।  
 সর্বজীবে সমজ্ঞান, সেই জ্ঞান, জ্ঞান ॥  
 সুমতির মতে মতি, সেই মতি, মতি ।  
 সুগতির পথে গতি, সেই গতি, গতি ॥  
 স্বভাবে উদয় হয়, সেই ভাব, ভাব ।  
 সুজনের স্নেহ লাভ, সেই লাভ, লাভ ॥  
 ফুলের সৌরভ যথা, সেই বন, বন ।  
 ধর্মরূপ মুহাধন, সেই ধন, ধন ॥  
 ধর্ম হেতু প্রাপণ, সেই পণ, পণ ।  
 প্রেমপূর্ণ আছে যার, সেই মন, মন ॥  
 অতএব বলি ভাই, যাতে পাবে শিব ।  
 পরব্রহ্ম প্রেমরসে মুগ্ধ হও জীব ॥

ত্রিপদী

জাননা কি জীব তুমি, জননী জনমভূমি,  
 যে তোমায় হৃদয়ে রেখেছে ।  
 থাকিয়া মায়ের কোলে, সম্যানে জননী ভোলে,  
 কে কোথায় এমন দেখেছে ॥  
 ভূমেতে করিয়া বাস, ঘূমেতে পূরাও আশ,  
 জাগিলে না দিবা বিভাবরী ।  
 কত কাল হরিয়াছ, এই ধরা ধরিয়াছ,  
 জননী জঠর পরিহরি ॥  
 যার বলে বলিতেছ, যার বলে চলিতেছ,  
 যার বলে চালিতেছ দেহ ।

যার বলে তুমি বলী, তার বলে আমি বলি,  
 ভক্তিভাবে কর তারে স্নেহ ॥  
 প্রসূতি তোমার যেই, তাহার প্রসূতি এঁই,  
 বসু মাতা মাতা সবাকার ।  
 কে বুঝে দ্বিতির রীতি, তোমার জননী দ্বিতি,  
 জনকের জননী তোমার ॥  
 কত শস্য ফল মূল, না হয় যাহ র মূল,  
 হীরকাদি রজত কাঞ্চন ।  
 বাঁচাতে জীবের অমৃত, বন্ধতে বিপুল বসু,  
 বসুমতি করেন ধারণ ॥  
 সুগভীর রত্নাকর, হইয়াছে রত্নাকর,  
 রত্নময়ী বসুধার বরে ।  
 শূন্যে করি অবস্থান, করে করে কর দান,  
 তরণি ধরণীরাণী করে ॥  
 ধরিয়া ধরার পদ, পেয়ে পদ নদী নদ,  
 জীবনে জীবন রক্ষা করে ।  
 মোহিনী মহীর মোহে, বহি বারি বন্ধু ধোঁহে,  
 প্রেম ভাবে চরে চরাচরে ॥  
 প্রকৃতির পূজা ধর, পুলকে প্রণাম কর,  
 প্রেমময়ী পৃথিবীর পদে ।  
 বশেষতঃ নিজ দেশে, প্রীতি রাখ সবিশেষে,  
 মুক্ত জীব যার মোহমদে ॥  
 ইন্দ্রের অমরাবতি, ভোগেতে না হয় মতি,  
 স্বর্গভোগ, উপসর্গ সার ।

শিবের কৈলাস ধাম, শিবপূর্ণ বটে নাম,  
 শিবধাম স্বদেশ তোমার ॥  
 মিছা মুগি মুক্তা হেম, স্বদেশের প্রিয় প্রেম,  
 তার চেয়ে রত্ন নাই আর ।  
 সুধাকরে কত সুধা, দূর করে তৃষ্ণা ক্ষুধা,  
 স্বদেশের শুভ সমাচার ॥  
 ভাতৃভাব ভাবি মনে, দেখ দেশবাসিগণে,  
 প্রেমপূর্ণ নয়ন মেলিয়া ।  
 কতরূপে স্নেহ করি, দেশের কুকুর ধরি,  
 বিদেশের চাকুর ফেলিয়া ॥  
 স্বদেশের শাস্ত্রমতে, চল সত্য ধর্ম পথে,  
 সুখে কর জ্ঞান আলোচন ।  
 বৃদ্ধি কর মাতৃভাষা, পূরাও তাহার আশা,  
 দেশে কর বিদ্যা বিতরণ ॥  
 দিন গত হয় ক্রমে, কেন আর ভ্রম ভ্রমে,  
 স্থির প্রেমে কর অবধান ।  
 বাস করি এই বর্ষে, এই ভাবে এই বর্ষে,  
 হর্ষে কর বিভুগুণ গান ॥  
 উপদেশ বাক্য ধর, দেশে কেন ঘেষ কর,  
 শেষ কর মিছে সুখ আশা ।  
 যে তোমার ভালবাসা, সে হোলোনা ভালবাসা,  
 আর কোথা পাবে ভাল বাসা ॥  
 এবাসা ছাড়িবে যবে, আর কি হে, আশা রবে,  
 প্রাপ্ত হবে আশানাশা বাসা ।

কেবা আর পায় দেখা, এলে একা, যাবে একা,  
পুনর্ব্বার নাহি আর আসা ॥

উৎকৃষ্ট স্থানের বিষয় ।

পয়ার ।

- ১ তব মুখে শুনি শ্রেষ্ঠ স্থানের বিষয় ।  
তথাকার শিশু না কি অতি সুখী হয় ॥  
বলগো বলগো ওহা কোথা সেই স্তীর ।  
তত্ত্বকরি সুখী হব ফেলিব না নীর ॥  
কমলা লেবুর ফুল কুটে যেই খানে ।  
অথবা জেঁনাকী পোকা থাকে যেই স্থানে ॥  
সেই বুকি রম্যস্থান জিজ্ঞাসি জননি ।  
তথায় তথায় নহে অরে ষাদুমনি ॥
- ২ তবে বুকি যে ভূমিতে তালগাছ হয় ।  
তপনের তাপে যথা পজ্জ্বর পাকয় ॥  
অথবা হরিতবর্ণ দ্বীপ যে সাগরে ।  
মৃগন্ধি পুষ্পের বনে সুবাস করে ॥  
নানা পক্ষীসুন্দর বিচিত্র পাখা ধরি ।  
বিভূষিত বিবিধ বর্ণেতে শোভাকারী ॥  
মনোহর স্থান সেই বলিগো জননি ।  
তথায় তথায় নহে অরে ষাদুমনি ॥
- ৩ পূর্ব্বমত কোনথণ্ডে এ দেশ কি হয় ।  
স্বপ্নময় বানুকায় নদী ধারা বয় ॥

যথা পদ্মরাগ মনি অতি দীপ্তিকরে ।  
 হীরক জ্বলয়ে যথা আকর ভিতরে ॥  
 নদীর তীরস্থ ভূমি পূর্ণ প্রবালেতে ।  
 মুকুতার ছটা শোভে তাহার মধ্যোতে ।  
 সেই কি উৎকৃষ্ট স্থান বলিগ জননি ।  
 তথায় তথায় নহে অরে যাদুমনি ॥

৪ চক্ষু নাহি দেখে তাহা শুন প্রাণ ধন ।  
 শ্রবণ না করে কভু সে গীত শ্রবন ॥  
 স্বপন প্রশস্ত তার ছবি লিখিবারে ।  
 শোক মৃত্যু তথায় প্রবেশ নাহি করে ॥  
 অশীতিষ্র মুগ্ধল নিয়ত হয় যথা ।  
 কালের কুটিস কর নাহি যায় তথা ॥  
 ঘন স্থানাভাব যথা সমাজ না শুনি ।  
 তথায় তথায় হয় অরে যাদুমনি ॥

ঈশ্বরের নৃষ্টি বিষয়ক গীত ।

পয়ার ।

উর্দ্ধদেশে সুবিস্তৃত গগন মুগ্ধল ।  
 মহাদীর্ঘ নীলবর্ণ আশ্চর্য্য সকল ॥  
 স্বর্গোপরে শোভা করে তারাগণ ভাস ।  
 বিশ্ব রচকের গুণ করয়ে প্রকাশ ॥  
 ভ্রান্তিহীন দিন দিন দিনেশ তপন ।  
 আদ্যোপান্ত দেশ সব করয়ে ভ্রমণ ॥

সর্বদেশে সর্বদিকে তাহার সুভাস ।  
 সর্ব নিয়ন্তার শক্তি করয়ে প্রকাশ ॥  
 সিন্ধুজলে দিবাকর করিলে অবেশ ।  
 সন্ধ্যাকালে নিশানাথ ধরিয়া সুবেশ ॥  
 নিজ জন্ম বিবরণ আশ্চর্য্য কথন ।  
 ভূমিস্তু সমস্ত জীবের করান শ্রবণ ॥  
 হৃৎগণ নিজ পথে করিয়া ভ্রমণ ।  
 তারাবৃন্দ চন্দ্রে বেড়ি প্রকাশি কিরণ ॥  
 পৃথিবীর উত্তর দক্ষিণ সর্বদেশ ।  
 সাক্ষ্য দেয় ঈশ্বরের মহিমা অশেষ টি  
 পৃথিবী বেড়ি গ্রহ শশী আদিত্য নক্ষত্র ॥  
 নিতান্ত নীরবে যদি ভ্রমিছে সর্বত্র ॥  
 শব্দ মাত্র কদাচিত্ না হয় শ্রবণ ।  
 যদবধি তাহাদের হয়্যাছে সৃজন ॥  
 তবু জ্ঞানবান তাদের সুস্পষ্ট বচন ।  
 জ্ঞান কর্ণে করে পান করিয়া মনন ॥  
 চিরকাল এই বাক্য ভুবনে বিদিত ।  
 বিশ্বনাথ বিশ্ব করেছেন বিরচিত ॥

বহুরূপির গল্প ।

পয়ার ।

দেখি সদা অহং জ্ঞানি তবু হীন নর ।  
 বাচাল নিরোধ বাদ করণে তৎপর ॥  
 সংসারের গতি প্রতি নাহি কিছু বোধ ।  
 নয়ন নিকট স্তম্ভ তাহে দৃষ্টি রোধ ॥

তথাপি বাক্যেতে পটু গর্ব অতিশয় ।  
 দেখিয়াছে যেন ধরাতল সমুদয় ॥  
 ব্যাপকতা হয় তার প্রাপ্ত দশগুণ ।  
 যদ্যপি ভ্রমণ করি দেশে আসে পুনঃ ॥  
 তার কাছে যদি কিছু করহ প্রশ্ন ।  
 তখনি ভ্রামক ভ্রান্ত দেয় তাহে ভঙ্গ ॥  
 কহে “মহাশয় সব করহ শ্রবণ ;  
 দেখিয়াছি চক্ষুে আমি করি দরশন”  
 মনে ২ করে সেই বাঞ্ছা এই মত ।  
 সমক্ষে স্বীকার কর কথা কহে যত ॥  
 এইরূপ প্রবাসি পথিক দুই জন ।  
 ভ্রমণ করিতেছিল অরবের বন ॥  
 মিত্রভাবে ভ্রমিতে ২ যায় যত ।  
 নানা বাঁধে নানা ছাঁদে গম্প ফাঁদে কত ॥  
 পরে আরম্ভিল বহুরূপির বিষয় ।  
 আকৃতি প্রকৃতি তার কি প্রকার হয় ॥  
 এক জন বলে “এই পশু অপরূপ ।  
 দিবাকর করতলে না দেখি এরূপ ॥  
 সরট শরীর সম দীর্ঘ ক্ষীণ কায় ।  
 মীন তুল্য শির জিহ্বা ভুজ্জের প্রায় ॥  
 বদনে দর্শন তার তিন পংক্তি হয় ।  
 সুদীর্ঘ মূরূপ পুঙ্খ পশ্চতেতে রয় ॥  
 মন্দ ২ গতি অতি সুন্দর বরণ ।  
 কে করেছে হেন নীলবর্ণ বিলোকন” ॥

আর জন বলে “বল কেন নীল কায় ।  
 দুর্বাদল শ্যাম রূপ দেখিয়াছি তায় ॥  
 জুস্তগ করিয়া আছে দেখিলাম তারে ।  
 তপনের তাপে তনু তপ্ত করিবারে ॥  
 বিশ্রাম করিতেছিল করিয়া শয়ন ।  
 খেতে ছিল সমীরণ আহার কারণ” ॥  
 “সমভাবে উভয়ে হেরেছি রূপ ভার ।  
 অবশ্যই নীলবর্ণ কব পুনর্ব্বার ॥  
 দেখিয়াছি তার প্রতি করি নিরীক্ষণ ।  
 বৃক্ষের শীতল ছায়ে করেছে শয়ন” ১৫১  
 “সবুজ সবুজ ইহা দেখেছি নিশ্চয়” ১৫২  
 সবুজ কেমনে !” ক্রোধে আর জন কয় ॥  
 “কেন ভাই আমার কি চকু নাই তবে” ।  
 বন্ধু কন “তাহে বড় ক্ষতি নাহি হবে ॥  
 নয়ন না করে যদি দর্শনের ক্রিয়া ।  
 মিছা তবে কি করিবে সেই আঁপি নিয়া” ॥  
 এরূপ বিবাদে ঘোর বিপদ উদয় ।  
 মুখোমুখি ছেড়ে শেষে হাতাহাতি হয় ॥  
 হেন কালে এক জন আইল তথায় ।  
 বিবাদের বিবরণ বলিলেক তায় ॥  
 দৌড়ে কহে “বল যদি জন মহাশয় ।  
 বলরূপী শ্যামল কি নীলবর্ণ হয়” ॥  
 মধ্যস্থ বলেন “কর দ্বন্দ্ব পরিহার ।  
 শ্যাম কিম্বা নীল বর্ণ কিছু নহে তার ॥

গত রাত্রে এই জন্তু রাখিয়াছি ধরে ।  
 দীপ অগ্নে দেখিয়াছি স্থির দৃষ্টি করে ॥  
 শিলাসম অতিশয় অসিত বরণ ।  
 চমৎকৃত হও? কর নিরীক্ষণ ॥  
 এখনি দেখাব তারে করিয়া বাহির” ।  
 বাদি কহে “প্রাণপণ নীলবর্ণ স্থির” ॥  
 প্রতিবাদী কহে “কহি করিয়া শপথ ।  
 শ্যাম বর্ণ হবে তার নহে অন্যত” ॥  
 মধ্যস্থ বলেন “ভাই শুন বন্ধুগণ ।  
 এই দণ্ডে করি দেখ সন্দেহ ভঞ্জন ॥  
 যদ্যপি না হয় তার তিমির বরণ ।  
 ক্ষণমাত্রে আমি তারে করিব ভক্ষণ” ॥  
 এই কথা কহি পশু করিল বাহির ।  
 সবে দেখে চমৎকার ধবল শরীর ॥  
 লজ্জিত মধ্যস্থ নিজে মৌনী বাদি হয় ।  
 এমন সময় সেই বজ্র রূপী কয় ॥  
 কথনের শক্তি তদা প্রথম পাইল ।  
 “শুন বৎসগণ বলি কহিতে লাগিল ॥  
 তোমাদের সকলের ভিন্ন কথা ।  
 সত্য মিথ্যা দুই হয় নাহিক অন্যথা ॥  
 কোন বস্তু দেখে তার ব্যাখ্যান সময় ।  
 মনে জেনো অনেকের দৃষ্টি তাহা হয় ॥  
 অতএব মনে কিছু না ভাব বিচিহ্ন ।  
 সবে ভাবে আপনার নয়ন পবিত্র” ॥

বার মাস বর্গন ।

পয়ার ।

বৈশাখে এদেশে বড় সুখের সময় । নানা কুল গন্ধে মন্দ  
 গন্ধবহ বয় ॥ বসাইয়া রাখিব হৃদয় সরোবরে । কোকিলের  
 ডাকে কামে নিদাঘে কি করে ॥ জ্যৈষ্ঠ মাসে পাকা আম এ  
 দেশে বিস্তর । সুখ ছাড়ি খেতে আসা করে পুরন্দর ॥ মল্লিকা  
 কুলের পাখা অঙ্কুর মাখিয়া । নিদাঘে বাতাস দিব কামে  
 জাগাইয়া ॥ আষাড়ে নবীন মেঘে গভীর গজ্জন । বিয়োগির  
 সম সংযোগের প্রাণধন ॥ ক্রোধে কান্তা যদি কাণ্ডে পীঠ দিয়া  
 থাকে । জড়াইয়া ধরে ডরে জলদের ডাকে ॥ শ্রীরেণে রজনী  
 দিনে এক উপক্রম । কমলকুমুদ গন্ধে কেবল নিয়ম ॥ ঝঙ্ক-  
 নার ঝঙ্কনী বিদ্যুত চকমকি । দেখিবে শিখির নাদ ভেক  
 মকমকি ॥ ভাদ্রমাসে দেখিবে জলের পরিপাটি । বেশা চড়ি  
 বেড়াবে উজান আর ভাটি ॥ ঘরঘরী জলের বায়ুর খরখরি ।  
 শুনিব দুজনে শুয়ে গলাগলি করি ॥ আশ্বিনে এ দেশে  
 দুর্গপ্রতিমা প্রচার । কে জানে তোমার দেশে তাহার সঞ্চার ॥  
 নদে শান্তিপুর হৈতে খেড় আনাইব । নুতন ২ চাটে খেড় শুনা-  
 ইব ॥ কার্তিকে এ দেশে হয় কালীর প্রতিমা । দেখিবে আদ্যার  
 মূর্তি অনন্ত মহিমা ॥ ক্রমে ২ হইবেক হিমের প্রকাশ । সে  
 দেশে কি রস আছে এ দেশেতে রস ॥ অতিবড় উগ্র অগ্রহা-  
 য়ণে নীহার । শীতের বিহিত হিত কুরিবে বিহার ॥ নুতন  
 শুরস অন্ন দেবের দুর্লভ । সদ্যোগুত সদ্যোদধিরসের বল্লভ ॥  
 ষোড়শ মাসে তিন লোক ভোগে থাকে দড় । দিনমান অতি  
 অল্প রাত্রিমান বড় ॥ সে দেশে যে সব ভোগ জানহ বিশেষ ।